

欽定剿平三省邪匪方略

欽定剿平三省邪匪方略正編卷二百六十七

辛酉年

七月二十三日丁軍機大臣會同兵部奏言陝

甘總督長麟等奏詳議安插鄉勇章程一摺

臣

等查鄉勇一項自嘉慶元年剿捕教匪以來經

湖北陝西四川等省各督撫地方官隨時召募

或分撥卡隘往來堵禦或隨同打仗殺賊立功

節經各路領兵大員奏

聞仰蒙

賞給頂戴銀兩示以鼓勵間有陣亡者亦均隨時

恩卹是該鄉勇等出力之處與官兵無異其蒙

恩優加體卹者亦與弁兵不殊茲大功將次告蒞弁

兵俱可歸伍鄉勇等自應妥爲安插今該督等

以鄉勇等人數衆多除俟各營汎州縣馬糧壯

丁缺出入伍當差外現在查出叛產不敷分撥

所有飭歸原籍各鄉勇派叅遊等官沿途帶領
按隊行走惟是該鄉勇等隨同大兵堵剿離鄉
自數百里至一二千里不等近則隔府隔縣遠
且隔省今軍務完畢各願速還鄉里若照所議
分派叅遊都守等官押隊行走送至各省交界
處所又復派員接收道路旣遙勢難整隊徐行
且層層派員押送過於束縛轉似有心防範必

致各該鄉勇等共生疑畏設因此滋生事端更屬不成事體至沿途給予口食到籍後除給一月口食外議給資本銀三兩止能贍給目前亦非久遠之計至該督等所稱西鄉南鄭及南山北面并原任總兵柯藩所帶鄉勇內除將來分撥新設改設各營補爲額兵并撥給各州縣挑充壯丁各役外其餘無缺可補者收入各營汛

作爲餘丁請將陝甘兩省調缺未補馬七千八百三十四匹暫緩買補卽將此項節省銀兩養贍餘丁等語查陝甘營伍額設馬匹遇有調用缺額皆當隨時趕緊買補以重邊備今該督等以養贍餘丁無項可籌欲將此項馬匹暫緩買補將節省馬乾銀兩養贍餘丁俟餘丁補額之後再騰出草乾陸續買補馬匹是餘丁一日未

經補額則營馬一日不能足數殊與定制未符
俱難率照所請辦理臣等伏思召募鄉勇非獨
陝西一省現在陝西鄉勇隨征至川楚者亦有
川楚鄉勇隨征至陝西者各處情形不同將來
事竣後皆須一律經理得宜今該督等祇係在
陝言陝所議未爲周備應請

勅下湖廣四川各督撫自同陝省督撫再行詳悉籌

議將如何經理妥協之處條列奏

聞請

旨定奪奏入

上命軍機大臣傳諭四川陝甘湖廣各督撫曰現在
大功將次告蒞各省鄉勇人數衆多其出力與兵
丁無異但事定後兵丁俱可歸伍而鄉勇一項驟
難裁撤自應妥爲安置若如長麟等所奏將鄉勇

飭歸原籍派叅遊等官沿途帶領撥隊行走近於
押解轉恐各鄉勇等心生疑畏因此激成事端且
川楚鄉勇之在陝省者送回川楚而陝省鄉勇之
在川楚者復送回陝省如此輾轉押送殊非政體
設其中有籍隸江西湖南等省之人又將專派員
弁紛紛押帶耶現在川陝楚三省均有鄉勇多人
各處情形有無不同著交勒保長麟吳熊光全保

陸有仁等再行悉心會議應如何妥協安插之處酌定章程詳悉具奏

二十四日

戊戌

長麟陸有仁奏言竊查節年以來

教匪滋事川楚之人爲多漢中府濱臨漢江東通湖北西接甘肅四川南面一帶深山老林處處均可直通川境且人烟輻輳五方雜處川楚客民寄居漢江南北者尤爲不少現在雖經添

設寧陝新鎮但所管營汛均在南山以內其漢江以南尤爲川楚陝三省扼要之區遇有匪徒楚省查拏則遁入陝境陝省差緝又遁入四川輾轉逋逃易於匿跡漢中一帶向來僅設副將一員都司一員分防千把外委九員將少兵單難資彈壓必須移駐大員方足以壯聲威而資控制查從前陝西提督本係駐紮西安省城節

制全省營汛嗣於乾隆四十六年剿辦撒拉番
回之後經原任大學士公阿桂等議將西安提
督改駐固原彼時原因甘省番回甫經剿平藉
資震懾及今二十餘年回民涵濡

聖化共知守法而陝省叠經賊擾之後民心甫定撫
馭宜周今昔情形既有不同則措置亟應通變
且以陝省提督遠駐甘省其名實既有未符兼

之調驗考核及遇有緩急事宜均多未便

臣等

往返扎商再三籌畫指日大功告成後川楚陝

三省邊界應辦之事甚多川省提督駐紮成都

湖北提督駐紮襄陽若再將固原提督移駐漢

中是使三省提督鼎足峙立聲勢得以聯絡消

息俱可常通不惟於目前震懾彈壓較爲得力

實亦行之可久於三省地方均屬有裨倘蒙

俞允除裁去漢中協副將酌留都司一員及舊有協

標陳兵作爲城守外其提標營制例設五營應

請仍照舊例安設但若將提督五營全數留於

漢中府城則外汛空虛仍不足樹聲援查西鄉

縣地方遼濶山險林深且路徑叢雜最易藏奸

納垢應請將提標前營遊擊移駐西鄉作爲分

防其棧道內之南星馬道以及沔縣均係衝途

向只設有把總外委兵丁數十名亦不足以昭
慎重應請於提督後營撥出守備一員兵丁二
百名分防沔縣再於左右二營各撥千總一員
兵丁一百名分防南星馬道如此星羅碁布則
稽查更爲嚴密而奸徒無可容身共應設兵丁
除於固原陳兵內酌量移駐外其不敷兵額並
可藉此安插鄉勇查各路鄉勇既較之新招兵

丁技藝嫻習亦於漢南一帶風土地理熟悉是
一舉而兩有裨益惟是甘省固原亦關緊要從
前原設有固原總兵因改駐提督是以將總兵
移駐河州該處回民雜處地當孔道爲口內口
外官兵商客及來往外番必由之路若僅將裁
去之漢中協副將移駐固原品秩較微營制兵
額亦少應請於固原仍設總兵一員設立中左

右城守四營每營額兵五百名共兵二千名查
固原現有提標兵丁三千五百八十二名除將
情願移駐漢中之人移駐漢中外其有依戀故
土不愿移駐者卽自定議之日爲始遇有缺出
毋庸募補以漸裁撤總以減至二千名作爲定
額固原鎮仍歸陝西提督統屬又河州鎮仍歸
固原提督統屬但河州鎮所轄均係甘省地方

應歸甘肅提督統屬如此畧爲更易則兩省營
汛布置旣較爲周妥而日兵亦便於巡防其餘
一切詳細章程恭候

命下臣等飭司會營公同酌議另奏請

旨飭交部議奏入得

旨軍機大臣會同兵部速議具奏

二十六日庚子額勒登保奏言臣由平利之會家

壩八卦廟前進十二日至豐口壩接據楊遇春
等呈報張添倫曾芝秀辛斗姚馨佐等賊匪經
官兵於玉子坪等處剿潰後其大寨向大小磐
河奔逃尙有分出小股在銅鐙埡麻柳十三壩
等處竄擾勢甚散漫無非欲牽綴官兵實屬可
恨楊遇春隨商令喜明張鳳同侍衛傅陞噶拉
等分帶兵勇於初二日由銅鐙埡麻柳十三壩

一帶兇剽楊遇春格布舍卽帶馬隊官兵由磐
河進擊初三日午間馳抵小磐河賊匪正在枯
木嶺老林內炊爨遙見官兵卽分投逃竄官兵
等奮力趕上山梁賊匪已穿越林箐向藥蓬竄
去楊遇春等率領官兵緊追剿殺自午至暮追
逐五六十里沿途殺賊二百餘名生擒一百四
十一名是日喜明張鳳帶兵至平溪河腦正遇

分股賊匪竄至兵勇鼓勇進擊亦殺賊一百餘
名生擒六十一名餘衆向深林逃匿楊遇春等
遂將所獲賊目趙從等訊供總因官兵剿殺情
急向深山老林逃走餘無要供卽凌遲處死并
將所獲各犯訊明從逆久暫分別正法釋放訖
是晚大雨如注是日未能前進初五日探得該
匪及分股之賊均翻越界嶺向川境遁去楊遇

春格布舍與喜明張鳳復帶兵至茨竹湖磚坪

一帶探明戴四崔胡等股賊蹤期與臣一路官

兵夾擊臣接信後亦卽帶兵於十五日馳抵安

康之蘭河口楊遇春先期趕到據稱戴四崔胡

等逆日前竄至繖子坪時聞楊遇春等官兵在

漳河坪一帶不敢西竄臣向南折羊干河等處

亦入太平境內臣查刻下各股賊匪經各路官

兵兜擊楚陝不能存住均先後穿越林箐不由
路徑亡命潰竄入川其窮迫情形已可槩見現
在川境賊匪如湯劉等逆由寶塔等處有竄雲
開之勢七十五帶兵跟剿專辦其龍張等股從
徐家壩已入太平境內現經德楞泰督師緊剿
至冉逆殘匪有副將應元寬叅將張瑗躡蹤趕
剿近聞該匪已與龍紹周等股合夥副將應元

寬等亦歸入德初泰一路隨同進剿臣連據川

省文武稟報苟又明等賊匪竄至太平杜家壩

鐵坪一帶王士虎餘黨竄至開縣溫湯井土龍

洞一帶屯聚火天關後河青花溪等處均有賊

匪竄擾勒保自己督率阿哈保薛大烈等相機

剿辦但川境賊股既多此時陝境各股又相繼

竄去該匪竄蹤無定一經剿急或仍折而入陝

然以目下情形而論川省甚為著重陝之平利
安康西紫一帶已無賊匪其應行設防之處又
不得不嚴加布置臣現與楊遇春札克塔爾面
為籌商陝西紫一帶有關成督率各鎮將防堵
毋庸更易外其安康平利一帶酌定於磚坪留
駐營盤以為聲勢派令副都統銜富里善及總
兵張鳳副將王兆夢等帶兵勇二千餘名於磚

坪附近探蹤堵截再孟石嶺繳子坪一處係賊
匪潰竄陝楚來往熟路必須扼要分設營卡現
派令喜明柯藩帶同將備及兵勇四千名隨時
偵探嚴密防剿如遇就近有賊卽行截剿並可
與磚坪營卡聲勢聯絡臣卽親率札克塔爾楊
遇春格布舍全德侍衛將領等帶領馬步兵勇
四千餘名由玉子坪斑鳩關界嶺羊耳壩前赴

川境於沿途一帶籌顧陝界而進無論何股探蹤協力剿辦以期迅速集事至青號及王山零

股賊匪經臣派令穆克登布豐紳柔吉斯塔爾

綸布春等帶兵截剿沿途零星斬獲並過河掩

斃現在所存不過千餘人已由竹谿逼入白河

境內穆克登布等分路截剿又有長齡帶兵於

一二竹邊界協擊臣已嚴切扎致該提鎮等務須

趕緊辦完斷勿再任東奔西逃此時各股賊匪俱屬殘敗之餘先後竄入川中已有歸宿况大兵雲集川疆當激勵官兵上緊辦理剿除淨盡以冀仰紓

宸厯奏入

上命軍機大臣傳諭額勒登保曰此次賊首張曾辛姚等逆經楊遇春等分股兜擊先後殲擒五百餘

名均敗遁入川其戴四崔胡等逆亦向川境潰竄
額勒登保卽率札克塔爾楊遇春等帶領馬步兵
勇前赴川境仍於沿邊一帶兼顧陝界而進自應
如此辦理陝省各股首逆現已陸續竄入川省該
處堡寨完固賊匪無從掠食自投絕地而德楞泰
額勒登保兩路勁旅又先後跟勦軍威壯盛昨又
撥給餉銀四十萬兩儲備更爲寬裕並無掣肘之

處額勒登保與德楞泰勒保七十五等務當趁此
秋高氣爽士馬飽騰之時聚而殲洗速藏膚功至
摺內稱賊匪竄蹤無定一經勦急或仍折而入陝
此係必然之事現在額勒登保雖於磚坪孟石嶺
等處酌派官兵扼要防堵但竄川賊匪探知額勒
登保德楞泰俱在川省必仍思乘間竄回額勒登
保勢又必帶兵旋陝追勦豈不疲我兵力此時川

省有德楞泰勁兵在彼又有勒保七十五等分路
截擊賊勢不致蔓延額勒登保似不以入川爲急
總須帶領官兵自東而西或自北而南顧住陝省
邊界徐前進各股賊匪自不敢遽行折回轉可
與川省官兵收兩面夾擊之效再青號王山零匪
雖經額勒登保派令穆克登布等帶兵截勦所存
不過千餘人但尙在白河境內額勒登保務須督

飭上緊截勦不可令其竄入楚境此股賊匪一經
殄滅則漢江南岸便一律肅清更可騰出兵力聽
候額勒登保調遣也

二十八日

壬寅

軍機大臣

臣

慶桂等會同兵部奏

言查提督爲統轄大員必須擇要駐劄方足以

資控制陝省漢中府濱臨漢水東通湖北西接
甘肅南面深山老林處處直通川境連年教匪

往來奔竄自陝而楚自楚而川大約多由漢中
一帶偷越指日大功告成三省收寧該處爲適
中要區必得移駐大員方足以壯聲威而資彈
壓乾隆二十九年以前提督原駐固原州嗣後
移駐西安至乾隆四十六年勅辦撤拉爾番回
之後復移駐固原皆係酌量情形隨時措置今
既據該督等奏稱甘省番回久涵

聖化共知守法而陝省叠經賊擾之後民心甫定撫
馭宜周是現在漢中地方較固原更爲緊要應
照該督等所請將固原提督移駐漢中府作爲
陝西提督裁去漢中協副將酌留都司一員及
舊有協標營兵作爲城守照例安設提標中左
右前後五營其西鄉沔縣及棧道之南星馬道
均屬山險林深衝途要路亦應照該督等所請

將提標前營遊擊移駐西鄉作爲分防再將提
標後營撥出守備一員兵二百名分駐沔縣其
左右兩營各撥千總一員兵一百名分駐南星
馬道以資策應而重巡防至固原地當孔道爲
口內口外官兵商客及往來番回必由之路亦
關緊要若無大員駐劄亦不足以昭慎重該督
等所稱若僅將去之漢中協副將移駐固原

不足以資彈壓應請仍設固原總兵之處自屬

實在情形臣等再四籌酌查陝省向設陝安鎮

總兵一員駐劄興安設處毘連川廣林谷阻深

地方極爲遼濶向設總兵一員原屬緊要但興

安距漢中府城僅止六百餘里道路不遠從前

因提督遠在固原興安自應設鎮今提督既近

在漢中則一切兵馬機宜卽可就近兼顧若將

陝安鎮總兵一缺移駐固原作爲固原鎮總兵
而仍以漢中府原設之城守協副將移駐興安
歸提督管轄在興安城內仍有副將大員又有
提督在六百餘里之間聲援亦壯如此一轉移
間不煩添設總兵而控制較爲得力但臣等就
現在營制悉心參酌究未能深悉該處情形所
有陝安鎮總兵作爲固原鎮總兵及漢中協副

將移駐興安作爲興安副將是否足資控制
之處仍請

勅下陝甘總督長麟陝西巡撫陸有仁體察情形再
行會議奏

聞再該督等所稱陝西提督各營應設兵丁除於固
原陳兵內酌量移駐外其不敷兵額藉此安插
鄉勇事屬可行自應照該督等所奏辦理又所

稱將河州鎮歸甘肅提督統轄之處查河州鎮
向歸固原提督統屬今提督遠在漢中而河州
鎮所轄均係甘省地方自應照所奏改歸甘肅
提督統屬又所稱固原鎮歸陝西提督統屬其
靜寧靖遠二協及平慶等營向歸提督統屬者
今就近歸固原鎮統屬之處亦應照該督等所
請辦理惟所稱固原現有提標兵丁三千五百

八十二名將願往漢中者移駐漢中其不願移
駐者缺出毋庸募補減至二千作為定額等語
查固原邊陲重地總兵所轄兵額似不必拘泥
營制輒議裁減將來裁撤鄉勇尙多正資安插
可否卽仍照提督所轄原額無庸裁減統俟蕩
功之後卽可將鄉勇充補足額之處請一併

勅交該督等妥議具奏其餘一切章程統俟該督等

奏到再行詳議奏

聞奏入

上從之

二十九日

癸卯

勒保奏言

臣

由南江一帶進發適

於途次探得高家營賊匪經阿哈保薛大烈等

在土地坡擊敗後卽從烏林圪翻山西竄向閩

蒼一路晝夜狂奔有直趨嘉陵江之勢

臣

聞信

當卽飛飭上游沿江文武在廣元昭化蒼溪等

處江岸加謹嚴防

臣

卽改道西向探蹤兜截仍

一面知會阿哈保薛大烈等帶兵趕緊追剿該

匪等知聞蒼一路有兵兜剿遂折向上游於十

五夜起更後在昭化縣屬之桔栢渡地方搶渡

經該縣王銓會同防江叅將崔德恒督率外委

李全忠典史王弼並委員州判熊謙和等帶領

兵勇沿江堵截賊衆蟻聚不退適總兵張志林
知府德福於三更時先後趕到督率兵勇施放
鎗礮轟擊該匪膽敢隔岸放鎗回擊相持直至
天明賊匪見官兵防守嚴密不能搶渡遂折回
東竄江岸遺棄擊斃賊馬三匹查有兵丁羅文
志賈步雲二名身帶鎗傷尙無妨碍隨探得該
匪由廣元縣屬之王家壩一路竄去阿哈保薛

大烈等正在帶兵跟勦高家營竄匪西向窮追
因行至溪口地方突遇探路賊匪十餘名當卽
擒住訊據供稱係魏棒棒一股賊匪現在礮廠
溝屯聚阿哈保薛大烈等籌商若官兵逕行跟
追高逆前進則魏逆股匪轉在我兵之後恐致
首尾牽制必須將魏逆就近先行勦辦以清後
路是以帶領馬步各兵直抵礮廠溝掩襲該匪

等一見官兵卽行奔竄官兵疾馳追躡三十餘里賊匪奔上童家山梁憑高抗拒官兵前隊協領達斯呼爾岱副將張績叅將羅聲臯李錦麟等帶領馬隊先行一鼓搶上賊見馬隊僅止數十人卽擁衆下撲我兵射倒執旗賊二名李錦麟在前衝殺被賊矛戮傷右肋該叅將仍復奮擊又被刺傷左鼻梁落馬幸有外委向思瓚翁

池兵丁易貴羅明玉立將刺傷李錦麟之賊砍斃並殺賊三名搶救李錦麟回營該叅將右肋一傷並未透膜鼻梁傷雖較重該叅將素體強壯尚無妨碍維時兵丁賈三元徐上選亦因搶救李錦麟衝入賊隊皆力戰陣亡該匪尚在擁撲經達斯呼爾岱張績羅聲卓及遊擊傅廷佐卽海慶甲兵阿爾新保佟善鄂爾托彥等衆箭

齊發斃賊多名賊衆旋退旋進適阿哈保薛大
烈趕到卽將所帶馬步兵勇分爲兩翼左右抄
襲賊遂敗逃官兵跟蹤掩殺追過兩重大山沿
途殺賊一百六七十名生獲戰手余恩浩等三
十九名逃出難民李世奉等二十一各賊向密
林竄去官兵已追殺一晝夜兵勇饑渴勞乏遂
令暫紮休息訊據活賊供稱此股爲首係魏元

帥旗手有二十餘人領衆千餘名在老林藏
匿節次要偷過嘉陵江因官兵防得嚴緊未敢
逼近江岸近日聽得高家營在南江被官兵截
回要去找尋合夥不想遇官兵打散等語當將
戰手正法難民釋放阿哈保薛大烈帶領兵勇
趕至黃洋水地方適臣亦帶兵趕到遂與會合
探得高逆一股自柘相渡截回後折竄至賈家

時包家河等處魏逆一股在童家山擊敗後竄
向麻柳壩一路查兩股賊匪所竄地方俱係川

陝沿邊老林若我兵入山跟追該匪等勢必竄

回陝境臣現在督同阿哈保薛大烈等從百丈

關風門子汝水壩一路兜截遏其竄陝之路以

期就地殲除並據廣元縣探報陝西叅將蕭福

祿現在帶兵來川臣業經飛飭該叅將確探賊

蹤實力迎擊以收兩面夾攻之效至湯劉等逆
由楚折回川東現有七十五帶兵勦辦近據探
報叅贊德楞泰追勦龍紹周股匪亦由竹谿緊
躡來川已入大寧境內是川東兵力壯盛諒可
立即殲除惟苟文明等匪衆又竄至竹谿關一
帶遊奕臣一俟將高魏二股辦完後卽當發師
勦辦苟逆等股以冀次第肅清奏入

上命軍機大臣傳諭勒保曰此次官兵追剿魏逆股
匪殺賊一百六七十名擒獲戰手三十餘名斬獲
雖屬無多而高家營賊匪向閩蒼一路狂奔有直
趨嘉陵江之勢經勒保預飭上遊防江文武嚴密
堵禦并令阿哈保帶兵追剿賊匪聞知有兵兜截
遂折向昭化縣屬之桔栢渡地方搶渡復經總兵
張志林等先後趕到同該處防江文武督率兵勇

擊退是高家營賊匪兩次規伺嘉陵江岸俱經官
兵截擊賊匪不能偷渡辦理尚屬可嘉所有擊退
賊匪搶渡江岸之員弁著勒保存記俟有應陞之
處酌量奏請陞用至魏逆股匪奔上童家山梁官
兵搶上攻撲時叅將李錦麟在前衝殺被賊矛戳
傷右肋仍復向前擊殺實爲奮勇李錦麟著卽以
副將陞用其搶獲李錦麟并砍斃賊匪之外委向

思璜翁旭俱著以把總陞用兵丁易貴羅明玉著
以外委陞用以示獎勵陣亡兵丁賈三元徐上選
著咨部賜卹至川東龍冉湯劉等逆現有德楞泰
七十五兩路官兵足資勦捕前已有旨令勒保專
辦川北賊匪此時苟文明一股由楚竄川亦在川
北地界額勒登保已跟蹤追擊勒保現在勦辦高
家營及魏棒棒等賊匪正可與額勒登保成夾擊

之勢勒保務須督率將弁兵勇趁此秋高氣爽之時將川北各股竄匪上緊勦辦一律肅清勿再稍有延緩爲要至蕭福祿入川稽遲一節仍著勒保密查確詢據實具奏

三十日

甲辰

德楞泰奏言查龍紹周等股賊匪畏

懼軍威翻百里荒老林遁入太平之後坪東逃
臣卽冒雨帶兵尾躡幸獲晴霽初九日兵抵侯

家堦後槽探報龍逆等匪已翻馬鞍山向北之
沿江廟有走高觀寺之勢查高觀寺逼近紫陽
界嶺又可通平利之兩扇門賊旣入川必須抄
出菜子壩迎頭截其竄陝之路臣卽督令賽冲
阿温春色爾浚馬瑜蒲尚佐及侍衛將弁等於
是夜四更帶兵起行初十日午後抵菜子堦值
逆匪四五百人出陽溪河竄來賊衆不知迎

頭有兵經馬步兵勇突出勦殺立即潰亂當斃
賊二百四十餘名生擒譚子祥葉世仁等一百
三十七名餘匪折回上望鄉臺大山老林憑高
恃險捨死抗拒臣見山勢陡峻馬力不能施展
當派副將李應貴叅將馬應國馬元李東山等
帶領步隊兵勇仰攻至二磴巖下我兵鎗箭齊
發賊衆應聲而倒者十數名乘勢復搶佔萬家

坪忽然雲霧瀰漫大雨如注

臣

恐賊衆乘雨下

壓卽令分兵伏於山傍之白雞坪俟其下壓截
殺而林內又有賊數百吶喊搖旗果然趁雨一

齊下壓兇悍情形極爲可惡萬家坪之兵畧爲
迎敵實不能支卽漸退下賊復趕來撲下山脚

時雨勢益大白雞坪伏兵見賊衆壓下中路兵
勇卽冒雨橫衝截擊泥濘路滑賊亦不能徑上

而山底大隊馬步兵勇卽分投勦殺前後夾攻
將三百餘名賊匪全行殲戮無遺林內之賊見
敗先逃天色已晚查獲受傷未死之賊湯國才
周金魁等十三名奪獲賊旗三十五桿刀矛四
百餘件訊據供稱是龍張兩營張元帥名張士
雄只有七八百人係張士龍之餘匪龍紹周有
三四千人被官兵追趕得緊不能擄掠商量總

要由大山箐林繞過紫陽平利或到湖北今日
在黃連埡老林龍紹周令姜元帥陳先鋒帶五
百矛手先來打探此路若無官兵就翻界嶺過
平利去陳先鋒在二磴巖上打仗被鎗打死姜
元帥見官兵不多想要衝下不料被官兵前後
勦殺亂箭射死等語隨於屍內查取首級令其
指認並據獲犯譚子祥等供出姜元帥名姜洪

弑陳先鋒名陳文明僉供確實與受傷被獲之
湯國才等十三名一併斬首訖旋探該逆由新
開場古佛菴翻火山老林竄往雞鳴寺此路若
由大塘口走栢森坪普子坪出大竹河仍可繞
出紫陽隨派守備龍必達等帶兵勇五百名尾
追臣卽督同賽冲阿温春等帶兵緊顧北面十
五日趕至孛子山探報龍逆等已出大山向南

流溪竄走卽督率賽沖阿溫春色爾滾馬瑜蒲
尙佐侍衛官兵等翻大面山貓兒梁趕赴寒溪
寺正遇賊衆迎頭而來一見官兵回身奔逃經
馬步兵勇等奮力掩殺二十餘里而跟蹤之龍
必達等亦從後殺來共殺賊四百餘名生擒陳
士元趙石氏等一百七十四名馬騾八十餘頭
旗幟刀矛甚多匪衆又翻木碗坪老山向開縣

之乾溪大壩口南逃十六日探得龍逆等竄聚

蓋頂山一帶相距我軍不遠十七日五鼓臣令

賽冲阿温春蒲尙佐等帶領馬步兵勇由後墩

子一路前進臣督率色爾滾馬瑜等帶領馬步

兵勇由雙河口截勦天甫黎明已抵姚城壩詎

該處山勢愈大箐林深密賊匪遙見官兵先向

石洞溪竄入老山烏道一線馬力萬難馳騁當

令蒲尙佐李應貴等帶領步隊兵勇奮力進剿
趕至半山殺賊五十餘名生擒趙卜堂等三十
一名我兵復競進仰攻至山灣折處有巨石橫
亘該匪依險推下大小亂石搏擊如雨兵勇攻
搶四次未能得手石傷兵勇二十餘名陣亡者
數名臣察看地勢遂將礮位安於對面山腰連
環轟擊賊數名有監翎緇勇首謝金章首先

搶上殺賊二名搶得大帥字旗一面我兵乘勝而上匪衆紛紛敗上山梁窮追二十餘里又殺賊一百餘名生擒邱雲升等八十四名前途路徑愈仄兼之陰霧瀟漫臣卽令兵勇紮住山梁差探賊蹤竄向何處再爲趕勦查龍張二逆自被臣由陝楚追勦回川叠次擒斬及投出渙散外前此尙有四五千人茲又連次殲獲一千餘

名復又陸續投出來營請票之蔣萬清曾洪氏
等共計一千二百三名口

臣

隨時詳詢賊情均

以被追緊急不能擄掠惟採食野菜近則摘取
未熟包穀充饑加以兩月淫雨每日翻越大山
鼠走老林苦累難堪且有跣足腫爛及拖累死

者近聞

皇上仁慈廣被凡投

者一槩免死是以人人各尋

生路紛紛渙散卽者教賊匪並旗手牌頭戩手
投首者亦多足見賊黨離心勢力日孤正是戡
功之兆

臣 仰遵

聖訓皆面加曉諭一一開導察其情狀言詞真切是
以隨時省釋仍將花名彙冊札飭各該地方妥
爲安插俾無失所計現在龍張二逆合夥不過
三千人以此推之賊勢瓦解於此可見惟有不

予以暇無論該逆何竄總期速爲剿除又據探報苟文明一股賊匪除渙散外現在約有二三千人折竄太平之高頭壩羊耳壩一帶唐明萬一股卽唐大信之餘黨現有八九百人在雲陽開縣境內冉添泗及王世虎餘黨現有二千餘人在大寧奉節界上游奕冉學勝一股二百餘人尙在大寧山內有副將應元寬叅將張瑗等

帶兵追勦其湯思蛟劉朝選辛聰等逆

臣

昨過

馬家營時有湯逆營內逃出難民唐天福王順

祥等二十六名來營請票僉稱該逆等被勦現

在只有三千餘人在徐家壩分股劉辛二逆帶

二千餘人逃赴大寧山內湯逆帶一千餘人向

渡口崖東鄉遁去等語與哨探情形無異

臣卽

飛行知會七十五務將湯思蛟一股賊匪趕緊

勦淨萬不可令其漫入東鄉致復業之區又遭蹂躪川北一帶只有高見竒一股賊匪在通南山內滋擾此外有無賊匪因山中道路梗阻一

切稟報文移未能隨時遞到卽勒保一路軍營

現在何處勦辦亦未得其來信臣現擬告示發

給州縣並嚴禁各寨洞遇有逃出難民並省釋

回籍者不許剝取衣物並婦女幼孩不得擅自

強留一面以令幹練鄉勇賞送始無遺失之虞
至龍張二逆被勦不敢向西南之南埡場竄出
平原又由老林折回西北之梨兒埡董家壩前
去查董家壩左走雪泡山寒溪寺雞鳴寺右走
卽大寧老山之路毋論南竄何路臣惟有鼓勵
兵勇趁此賊心渙散之際趕緊剿除至此次陣
亡受傷兵勇容俟查明辦理奏入

上命軍機大臣傳諭德楞額泰曰賊匪龍紹周等遁入
太平之後輾轉奔竄經德楞額泰督領將弁緊躡賊
蹤投勦捕殲斃偽元帥姜洪斌偽先鋒陳文明
等先後共斬擒賊夥一千餘名其自賊中投出者
共計一千一百餘人所辦可嘉此次殺賊不爲不
多祇因未經擒獲龍紹周等緊要首逆是以未用
六百里加緊馳遞然較之往來擒獲逆首捷報每

有殲戮匪黨尙不及此次之多者令德彰泰等於
深林密箐中不避艱險督兵痛剿實亦不遺餘力
現當蕨功不遠之時不必照常頒賜物件統俟軍
務告竣捷音到日共膺酬庸懋典德楞泰務須乘
勝將龍張二股剿除淨盡然後再辦他股以次肅
清倘此股未經辦竣又欲分顧他股必致餘匪勾
結復成大股五年來辦理軍務遷延職此之故卽

如前此德楞泰將賊首高二殲斃所剩餘匪不過
二三百人未經辦竣德楞泰旋赴漢南其餘黨高
見奇等現又勾結至二千餘人尙在川北奔竄此
卽根株未淨之明驗也楊遇春前此勦辦高二馬
五成匪不特將二逆殲擒并能勦除餘孽不至復
萌知此方爲妥善德楞泰不可不倍加奮勉迅速
歲事再湯恩蛟一股現有七十五勦辦再學勝一

股亦有副將應元寬勦辦其餘劉朝選辛聰唐明
萬等匪俱在大寧山內現交何人專辦未據奏及
誠恐該匪等潛匿山林又致蔓延裹脅著德楞泰
分派鎮將卽速帶兵勦捕勿予以暇至苟文明由
楚竄川額勒登保業經跟蹤追擊德楞泰尙未得
有信息其摺內所稱來營投首之蔣萬清等千餘
名內不獨有新擄之人並有老教賊匪等語足見

賊黨日益解散正當趁此機會上緊趕辦所有投
出竊黨回籍後若該處百姓以爲曾經從賊不齒
於鄉里勢必不能相安德榜秦係成都將軍亦有
地方之責現經出示曉諭各祠寨毋許剝取衣物
強留婦女所辦甚是仍當諄諭該處民人等以現
在投出之人從前均係爲賊迫脅本非得已今既
不甘爲賊則與良民無異現已蒙恩將伊等重大

罪名悉行赦免爾民人等亦勿再存歧視之見俾
得各安井里勉爲良善庶陷身賊中者聞風投出
益加踴躍蕲事更易德榜泰等務當趁此秋高氣
爽雨水稀少之時鼓勵弁勇迅速蕩平膚功立奏
以慰懸注至摺內圈出打仗出力之鄉勇首謝金
章著德榜泰存記俟再有奮勉立功之處卽行奏
請加恩

欽定剿平三省邪匪方略正編卷二百六十八

辛酉年

八月初二日

丙午

吳熊光全保長齡奏言前此龍

紹周戴家營各股賊匪竄至青峯溝胡溪等處

額勒登保德楞泰統兵追殺

臣

等督兵從東北

面迎前攔截該匪不能深入楚境戴家營大股

遂由古牛渡化龍山奔竄回陝龍紹周大股遂

由向家壩奔竄入川額勒登保德楞泰當卽分

路追擊該匪被剿緊急輒分出數股藏匿川陝
楚交界一帶老林迨大兵去遠復又潛出會合
折回楚界維時戴四營內分出之王山一股經
額勒登保派令穆克登布等帶兵躡剿該匪向
陝省洵陽白河境內狂奔繞至二竹北面邊界
恐其由鮑家店東竄黃龍灘臣長齡當卽帶兵
趕至竹山北界吉陽關一帶堵剿十五日追賊

至羅家廟與穆克登布等會剿殲擒賊匪三百

餘名該匪由太平寨逃遁臣長齡連日帶兵沿

邊攔截該匪仍向陝省平利山內西竄臣全保

旋據探報有賊一股由深川溝老林翻山折回

楚省邊境向北奔突當卽飛調總兵孫清元吉

林泰等帶兵由上龕前進十二三四等日沿途

擒殺賊探及零匪張有良等一百餘人訊據供

稱此股係龍紹周夥內元帥李明李大年劉文
順爲首因德將軍追剿緊急衝分兩截龍紹周
帶有二千餘人逃往川境此股二千餘人躲入
老林俟大兵過去聞後面還有一股亦已折回
李明就從大寧沿邊折回湖北白牛池來今探
得官兵到來改向青峯溝連夜東走等語臣全
保當卽督同孫清元吉林泰等星夜抄至灣腰

樹望天坪顧住東面兜擊賊復折入老林嶺東
倏西行無定向官兵每日搜捕二三十人四五
十人不等訊係正賊一併正法因山路散漫分
兵兜擊漸逼漸近將該匪逼至公祖河鐘鼓山
一帶吉林泰帶領副將李天林遊擊毛秉剛等
率兵由胡溪白河口抄道迎剿孫清元帶領副
將樊雄楚候補叅將楊安等率兵由平渡河向

梨樹堽兇進

臣

全保親率總管托爾托保等帶

領兵勇由白虎坪從中橫擊於二十日三鼓分

道並進天甫黎明吉林泰等先繞至鐘鼓山頂

見賊屯聚銳力猛進賊匪猝不及備無暇抗拒

肆竄兔脫官兵緊躡擊殺斃賊二百餘名將至

公祖河孫清元等順河兜至匪衆捨命衝撲經

大礮轟打又斃賊一百餘名該匪順溝竄來正

值臣全保趕到飭令托爾托保等帶領馬隊順

溝迎頭衝擊斃賊三百餘名賊卽四散部委章

京寧文保將馬上穿紅衣一賊箭斃音德布將

指揮衆匪頭裹紫巾一賊生擒該匪情急丟棄

騾馬器械爬山亂竄墜跌巖澗死者甚多竄回

三層河向家壩老林內伏匿約計已不滿千人

計此次打仗殺賊六百七十八人生擒六十四

名臣全保訊知箭斃馬賊係偽元帥李大年生

擒馬賊係偽總兵蔣添受又盧之位邱其裕周

明三名均係頭目其餘文光元等六十名皆積

年精壯矛手概行正法散出民人卜志德范吳

氏等男婦一百五十五名口分別寧釋該匪經

此番痛剿戡入南山臣全保與孫清元吉林泰

當乘此勝勢儘力搜剿速期撲滅臣吳熊光往

來後路督催糧餉以利軍行再臣等前接額勒

登保來咨派令總兵孫清元吉林泰德昌於陝

楚交界之平利竹谿川楚交界之大寧房竹一

帶分兵防堵令臣長齡帶領剿兵往來策應因

現在邊境尙有折回賊股正在截剿喫緊之際

一俟邊界廓清即可湊集兵力照額勒登保指

示按段布置再行奏

聞此次打仗傷亡兵勇另行查明咨部奏入

上命軍機大臣傳諭吳熊光全保長齡曰此次全保等探知龍逆分股賊匪折回楚界迅卽督同孫清元吉林泰等帶領官兵由上龕一帶繞至鐘鼓山公祖河等處奮力截擊箭斃偽元帥李大年生擒偽總兵蔣添受等三名殲擒賊匪七百餘名所辦俱好寧文保首德布俱著遇缺先行陞用該匪經

此次痛剿之後餘匪不滿千人俱竄入南山更可聚而殲旃吳熊光等務飭趕緊剿辦不可稍留餘孽亦不可僅以逼出楚境卽爲了事楚省一經肅清陝楚交界之平利竹谿川楚交界之大寧房竹一帶卽當照額勒登保指定扼要之處分段嚴密防守勿使竄匪闖入

初六日庚戌勒保奏言竊臣探得高逆一股由賀

家院包家河等處竄逸魏遊一股在麻柳壩屯聚查該處皆在廣元邊境老林若由毛壩西竄卽在神宣驛棧路若由李家壩北竄卽入寧羌州地界旣恐該匪等竄回陝境且越過棧路尤慮闌入甘省是以臣督率官兵由百文關真武宮等處取道從賊匪西北一帶兜截途次據報高逆果向賀家院直奔毛壩逼近棧路幸我兵

已抄出賊前截住西面該匪因前有官兵卽從
毛壩折回向東竄逃晝夜狂奔我兵緊躡追剿
沿途均有斬獲連日並有逃出附近被擄難民
七十三名隨時寧釋二十三日趕至毋家田壩
探得魏逆一股自麻柳壩又竄至通水溪屯聚
高逆股匪亦至通水溪合駁距毋家田壩三四
十里臣思兩逆會合正可聚殲隨卽傳令是日

三更發兵黎明趕抵通水溪該匪先已聞信於
半夜向鶯嘴崖翻山竄去官兵當卽追趕辰刻
至大茅坡該處山勢綿長二十餘里樹木叢雜
草深數尺臣察看情形賊匪半夜逃竄諒亦不
遠恐卽在此山潛匿我兵必須分隊前進搜剿
當令阿哈保督同協領達斯呼爾岱等帶兵由
左路上山令薛大烈督同副將海常等帶領步

隊由右路上山隨搜隨進

臣

督同田朝貴等帶

兵勇繼進以爲兩路策應阿哈保一路搜至半

山果有伏賊突出官兵趕緊剿捕殺賊十餘名

匪酋蜂擁而出我兵鎗箭並發該匪仍向前迎

撲我兵與賊攪殺一處都司張拱辰左肘被賊

矛戳傷穿透把總李杰連中矛傷陣亡官兵人

人憤恨奮勇爭先斃賊多名阿哈保亦連射數

賊正在相持適薛大烈由右路上山急帶兵勇
合擊斃賊數十名賊勢稍却

臣

見賊勢兇悍當

派陳龍驤李得馬成林薛陞各帶兵勇由箐林
攀援而上繞至大茅坡山頂搖旗吶喊從上壓

下阿哈保薛大烈趁勢督兵奮力進擊殺賊二

百餘名賊勢大潰四散奔逃我兵分投追殺趕

至陰壩子魏家溝麥葉河水磨壩一帶追進者

林二三十里四五十里不等復殺賊一百五六
十名生擒一百八十五名因天色向晚將兵撤
出在馬家坪暫紮查該處山深林密賊匪被剿
潰逃恐其四散潛匿並須探明賊踪去向方可
進剿當於二十五日黎明派令將弁兵勇分路
搜山去後詎是日巳刻忽大雨如注至二十六
日未止各山溝溪水陡發二十七日雨止水消

各路搜山兵勇始陸續回營搜獲活賊六十三名並呈繳殺斃賊匪耳級統計此次打仗並各路搜山殲斃賊匪五百餘名生擒僞先鋒許殿書及活賊黎嘉茂等二百四十七名據各該犯指認殺斃賊屍內有僞元帥鄧富榮劉昇東僞總兵宋之彥楊學明總探馬頭李新魁許存仁嚴三等七名訊出鄭玉等三十四名皆被擄去

久給票寧釋其餘概係戰手與偽先鋒許殿書
一併正法該匪等冒雨窮奔非北竄南鄭一帶
卽東竄南江南竄亦可至巴州現在督率將士
趕緊探明兜剿至此次官兵內吉林委官富泰
左肱膊受矛傷黑龍江甲兵梅金保德克登保
烏三大巴爾當阿博多彥等各受石傷外委李
正龍向思璜鮑得額外外委劉國祥各受矛傷

均不甚重其餘兵勇亦間有受傷陣亡容俟查
明咨部分別辦理奏入

上命軍機大臣傳諭勒保曰此次高魏二逆由廣元
邊界老林竄至通水溪一帶合夥翻山肆竄勒保
督率阿哈保薛大烈及田朝貴等分兵搜剿賊匪
從半山突出官兵奮勇仰攻斃賊五百餘名生擒
偽先鋒許殿書及活賊黎嘉茂等二百四十七名

賊勢潰敗所辦尙好廣元地方與寧羌交界設該
匪等越過棧路闖入甘省又復散漫更不成事今
勒保從西北一帶截剿自應如此辦理此時該匪
等窮蹙已甚勒保務須乘此勝勢一鼓殲旃使川
北地方勿留餘孽彼時再往川東一帶會同德楞
泰及七十五等將龍冉湯劉等逆以次殲除肅清
川境方爲不負委任至所奏都司張拱辰左肘被

賊矛截傷穿透把總李杰連中矛傷陣亡等語李杰著咨部賜卹張拱辰是否一同陣亡著再查明如亦陣亡當一併咨部賜卹若未陣亡卽查明會否傷愈另行保奏又得受矛石各傷之吉林委官富泰等衝鋒深入奮勇可嘉著查明量加獎拔以示鼓勵

同日陸有仁奏言

臣

據探報經畧額勒登保

自竹谿馳回陝省因苟文明張添倫各股餘匪竄至川省太平邊界卽率同楊遇春扎克塔爾等挑帶勁兵由紫陽斑鳩關八道河一帶前赴川陝交界截剿大營留駐磚坪令總兵張鳳等督率堵禦並派總兵喜明等分紮平利之孟石嶺繳子坪一帶以杜賊匪折竄之路叅贊德楞泰追剿龍逆等股前至太平日內尙未得有接

仗捷音聞冉學勝股匪經穆克登布豐紳等節
次截剿尙存千餘人由竹谿竄入白河界內穆
克登布等分路截擊長齡亦帶兵在陝楚交界
協剿又川省零股賊匪數百人竄入西鄉鹿池
壩一帶慶成近在該處自卽帶兵搜剿又高逆
餘匪一股竄至廣元之雨會寺清家園一帶總
兵薛大烈等緊躡追剿經畧改派總兵永明管

帶蕭福祿之兵卽日入川夾擊又伍逆餘匪在
南山分股奔竄內一股百數十人係偽總兵賴
元秀帶領竄至寧陝廳屬之石板溝一帶經通
判維昂帶領鄉勇節次截殺殲獲一百餘名並
將賴元秀生擒解赴寧陝廳審辦其鎮安盩厔
等處尙有劉姓一股零匪約三四百人李姓一
股約百餘人往來游奕等語臣查陝省邊界竄

匪經額勒登保分留兵勇嚴防並商派從前結
寨委員在安康紫陽一帶勸諭寨民預集壯勇
如遇大股賊匪被官兵追至卽與近寨一帶聯
絡轟擊協助官兵聲勢其零星竄入之賊卽可
合力搜捕並於各寨及總要路口樹立大旗大

書奉

旨從賊營投出者概予免死字樣并出簡明告示准

其赴設旗之處投首卽由寨上委員隨地隨時
妥爲安插寨民不得苛求亦不得以投首爲捕
獲藉此邀功以期殘敗餘氛聞風星散並諭令
寨民將成熟秋禾趕緊收穫上寨免被擄掠今

南山內零匪賴元秀一股已經剿洗而鎮安一

帶尙有另股奔竄

臣

因通判雒昂所帶鄉勇穿

林越箐向爲趨捷此次生擒賴元秀

臣

卽捐銀

三百兩賞給首先出力之軍功王明智該鄉勇
等更爲鼓舞臣已諭令雒昂仍帶得勝之勇迅

速馳赴鎮安一帶裹帶乾糧不分雨夜盡力窮

追勒限一月內悉數剿除務使南山以內卽日

肅清再陝省各路征兵及防守兵勇每月需糧

幾二萬石仰蒙

聖恩疊次撥發湖南山西米石藉資接濟昨接湖南

撫臣馬慧裕來信知後起撥運米三萬九千石
尙須酌量情形動碾自因該省亦間有偏災不
得不稍爲停待但該省災歉之餘不便採買只
可仍指湖南後起之糧以資兵食伏乞

皇上俯賜飭知迅速挽運前來俾資接濟奏入

上命軍機大臣傳諭陸有仁曰據奏各路剿賊情形
與額勒登保德楞泰等節次奏報大畧相同至所

稱伍逆餘匪在南山內分股奔竄經通判雒昂帶
領鄉勇殲獲一百餘名並生擒偽總兵賴元秀所
辦甚好通判雒昂並首先出力之軍功王明智朕
於披閱時俱已圈出但該通判及王明智如何設
法捕剿臨時如何卽能將賴元秀擒獲之處俱未
詳悉奏出是以未卽加恩著陸有仁將此次接仗
情形詳查覆奏再降恩旨其賴元秀一犯交該撫

速行審辦至鎮安一帶另股竄匪劉李二姓陸有仁現已令雜昂迅速窮追勒限剿除應卽飭催令與地方文武上緊剿捕並將打仗殺賊情形隨時詳悉奏報

上又命軍機大臣傳諭馬慧裕曰陸有仁奏湖南後起應撥陝甘兵米三萬九千石接馬慧裕來信尙須酌量情形動碾自因湖南現有偏災不能如期

運往但陝省需糧緊急他省又無可設法湖南究
係產米之區距陝不遠著馬慧裕卽將後起應撥
米石速爲籌運勿稍延緩

初八日

王

額勒登保奏言竊

臣

帶兵赴川剿賊

先將磚坪孟石嶺繖子坪等處應設營卡兵勇
分布停安於十九日率同楊遇春札克塔爾山
玉子坪水司壠進發二十一日行抵紫陽之雙

和塘據探報後面有賊匪四百餘人並無騾馬
官兵南過卽由麻柳十三壩水司亞官園老林
內突出復向茨蓬溝南竄當令楊遇春分帶兵
勇折向斑鳩關進剿維時前此派令入川剿賊
之副將應元寬叅將張瑗遊擊李東宣正在蹶
蹤趕來至官園迎見楊遇春據稱此係冉學勝
股匪自奉派由兩扇門高官寺一帶追剿探得

徐添壽股匪已分出另與他股合夥竄往太平
再逆竄至大寧地界倚傍龍紹周股匪奔走因
有叅贊大兵追剿該匪分路從老木園西溪河
等處紆道潛遁於黃溪河附入張辛姚楊等匪
夥內經我兵於黃墩追及接仗斬戮百餘人生
擒六十三名張辛等逆向中壩子西竄冉學勝
又翻界嶺由大蜀河鴉河北竄應元寬等星夜

趕至西季河追及賊匪殺賊十數名該逆竄至
水司壇官園知大兵甫經拔營卽南遁次蓬溝
等情該匪力竭勢孤而行蹤仍異常狡詭副將

應元寬等於川陝邊界深山窮谷中倍道追剿
奔走兼旬兵勇頗形疲憊隨令於水司壇一帶

暫紮扼賊折竄并可收集落後兵勇

臣

另派遊

擊劉健標王兆龍帶領步隊由八道河羊耳壩

進剿副將楊芳遊擊吳廷剛亦帶步隊由六道
河翻界嶺截擊該逆一聞兵至急匿老林出高
頭壩大坪奔竄旋又探有賊匪一股約二千人
亦由南溪河向西而來楊芳與劉健標等合兵
於廟子壩設伏係該匪竄來齊起奮擊殺斃二
百數十人匪眾四散潰竄復乘勢追趕三十餘
里又殺賊百餘人生擒探馬矛手余開吉等六

十餘人訊係辛姚張楊等股日前在黃墩遇見官兵追殺連夜向西竄來大衆商量若高頭壩無兵卽入陝西若遇見官兵卽各向山林跑走再圖會合他往等語隨飭將各該犯一併正法次日楊芳劉健標等仍帶兵追剿該匪分爲數起每起或五六百人或二三百人不由路徑盡向陡壁荒林奔竄兵勇沿途亦有斬獲餘衆齊

向大竹河紫溪河西遁均係太平西鄉交界當
飭令楊芳等卽從紫溪河向漁渡壩跟剿而進

臣仍率同楊遇春札克塔爾等從繞西河毛壩

關顧住陝境旋探旋進此一帶山勢險仄路徑
被水衝塌雖勉強修理而馬匹馱載時有跌墜
二十八日進抵西鄉之毛塘壩九真壩據太平
文武來稟並探差報稱姚馨佐辛斗張添倫冉

學勝苟文明及王士虎楊逆餘黨有由西鄉之
漁渡壩紅椿壩竄向箭桿山巴山者有由平樂
鹽場竄向太平通江交界處所者查各匪人數
多寡不一忽合忽分官兵未來則零星游奕官
兵一到卽四散躲藏現屆收獲之期隨處可以
得食因之官兵連日越嶺翻山而未能痛剿刻
下大勢日見零落我軍相距賊蹤俱不甚遠急

須分兵進剿以期得手現已令楊遇春格布舍

帶領馬步兵勇由左路長嶺簡池壩一帶探蹤

進剿臣率同札克塔爾及侍衛將領等從右路

麻池寺紅椿壩塔壩河巴山林一帶向西追擊

該匪被剿情急非北折陝境卽深入川之通巴

南江如果竄陝臣現沿巴山而進并已飭知慶

成及總兵九十富蘭於板橋壩箭桿山鍾家溝

一帶緊防探蹤迎剿其南鄭沔縣寧羌一帶有
慶溥德忠等在彼防剿諒該匪不能肆意狂奔
如深入川境現聞勒保督率阿哈保薛大烈等
在廣南一帶兜剿高見奇及魏姓等匪臣昨派
總兵永明更換叅將蕭福祿帶領兵勇入川日
內業已到彼有勒保就近督率調派高魏等逆
可以并力殄除各匪亦自不能隨處衝突至德

楞泰所剿龍紹周等匪據報已由太平開縣向
大寧界內奔逃渙散甚多七十五所剿湯劉股
匪已由開縣竄往東鄉地界德楞泰七十五自
必緊顧東面向西截剿至穆克登布豐紳所剿
青號王山股匪前據報逼入洵陽白河地界近
聞已竄至王家河一帶連日臣深入萬山之中
沿途並無臺站文報稽滯該一路曾否打仗得

手尙未據穆克登布等報到現已登次嚴飭速

辦再

臣

前因漢江北岸餘匪未淨飭令總兵劉

之仁率同寧陝將備并飭通判雒昂等分路剿

捕嗣據報該匪分股奔竄大夥二百餘人由寧

陝火鑱塢竄入鎮安地界劉之仁率領兵勇於

確子堖截擊擒斬三十餘人兵勇亦傷亡數名

該匪由鎮安向西折竄月河經慶成派往截剿

之叅將吳亨衍帶兵抄截擒殺各十數名劉之
仁吳亨衍現在併力剿捕其小股百餘人在寧
陝山內逃匿雖昂率勇一千餘名分爲數路搜
捕據報十二日探剿至石板溝正見該匪在彼
掠食鄉勇等三路兜圍殲擒殆盡并將賊目賴
元秀生擒供係高馬股內僞總兵春間在南山
奔竄時潛向深林逃匿後聞大兵遠去先後糾

合潰散零匪率領奔竄等語當飭將該犯凌遲處死尙有逃匪三四十人仍飭雜昂搜緝招撫務速完竣奏入

上命軍機大臣傳諭額勒登保曰據奏截剿再學勝辛姚張楊等股匪迭有斬獲餘匪分竄川陝邊界雖擒賊五百餘人尙未能一鼓殲除此時賊匪狡獪伎倆總以東奔西竄爲牽綴官兵之計實爲可

恨現在額勒登保已督同札克塔爾等由麻池寺
等處向西追擊並令楊遇春分路探蹤進剿其箭
桿山鍾家溝及南鄭沔寧等處俱已分派兵勇密
爲布置截其折回陝省之路自應如此辦理看來
該匪等已極窮蹙畏懼自應乘其震懾之時上緊
截剿尅日殲除倘賊匪自知萬無生路有棄械乞
命者卽遵照節降諭旨貸其一死並嚴飭將弁兵

勇等不得將投出之賊作爲縛獻希冀冒功仍於
臨陣時明白宣諭或差明幹兵勇前往曉諭俾賊
黨聞知相率來投更易戡事但此時功屆垂成額
勒登保總當以剿爲正辦不可因有此旨稍爲鬆
勁况現屆收穫之期隨處可以得食若不趁此秋
高氣爽士馬飽騰之時趕緊殲擒則賊匪復得掠
食飽颺轉瞬卽交冬令又將以冰雪凜滑追捕不

能得力爲詞實大不成事體額勒登保等務當儘
此兩月內迅速蒞功同膺懋賞